



MINISTRY OF COMMUNICATIONS
AND MULTIMEDIA MALAYSIA



SIARAN MEDIA

30 MEI 2019
UNTUK SIARAN SERTA MERTA

BERWASPADA DENGAN ANCAMAN SIBER - TINGKATKAN KESELAMATAN SISTEM DAN RANGKAIAN KOMPUTER DI MUSIM PERAYAAN

CYBERJAYA - CyberSecurity Malaysia, pusat pakar teknikal keselamatan siber dan agensi di bawah Kementerian Komunikasi dan Multimedia Malaysia (KKMM) hari ini mengeluarkan peringatan dan nasihat (*Alert & Advisory*) kepada pentadbir sistem (teknikal) untuk pertingkatkan keselamatan sistem dan rangkaian komputer di organisasi mereka serta panduan kepada pengguna internet mengenai amalan terbaik sewaktu sambutan Hari Raya Aidilfitri yang bakal tiba.

“Dari bulan Januari hingga April 2019, CyberSecurity Malaysia menerima sebanyak 2,977 insiden keselamatan siber, di mana majoriti insiden yang dilaporkan adalah berkaitan dengan penipuan (*fraud*), pencerobohan (*intrusion*) dan kod jahat (*malicious code*). Melihat kepada wujudnya insiden ini, para pentadbir sistem diingatkan supaya mengambil langkah sewajarnya untuk memastikan keselamatan sistem dan rangkaian komputer sebelum meninggalkan pejabat bagi mengelakkan dari sebarang insiden.” kata Dato’ Ts Dr Haji Amirudin Abdul Wahab, Ketua Pegawai Eksekutif, CyberSecurity Malaysia.

Beberapa *Alert & Advisory* telah dikeluarkan sejak awal tahun ini seperti kerentanan *WhatsApp Messenger*, *Fake Windows PC Cleaner*, kelemahan *PHP Pear* dan mengeksploitasi 10kBlaze pada SAP.

“Pentadbir sistem harus sentiasa berwaspada terhadap sebarang kemungkinan pencerobohan, serangan phishing, dan aktiviti malware seperti ransomware semasa musim



Securing Our Cyberspace



T +603 8800 7999
F +603 8008 7000
H 1 300 88 2999

CyberSecurity Malaysia
(726630-U)

Corporate Office:
Level 7, Tower 1
Menara Cyber Axis
Jalan Impact
63000 Cyberjaya
Selangor Darul Ehsan
Malaysia.

www.cybersecurity.my

perayaan dengan melaksanakan langkah-langkah pencegahan yang tepat terhadap ancaman tersebut.”

Sementara itu Dato’ Dr Amirudin turut mengingatkan pengguna internet supaya memandang serius insiden keselamatan siber yang berlaku akibat kecuaiannya pengguna internet itu sendiri. Antara langkah yang perlu dilaksanakan oleh pengguna internet adalah:

1. Pastikan PC dan penyemak imbas dikemas kini dengan peningkatan terkini dan patch keselamatan;
2. Pasang perisian Anti-Virus pada gajet (PC dan juga telefon pintar) untuk mengimbas dan menghalang jangkitan malware. Anti-virus perlu sentiasa dikemas kini dengan fail tandatangan terkini untuk mengesan cecacing/virus terkini;
3. Jangan sewenang-wenang klik pada pautan atau lampiran yang diterima melalui e-mel atau laman media sosial termasuk aplikasi Whatsapp dan Telegram. Berwaspada dan amalkan langkah keselamatan sewaktu mengakses e-mel atau mesej serta pautan atau lampiran yang diterima;
4. Elakkan dari menjadi mangsa penipuan dalam talian (*fraud*), sentiasa berjaga-jaga terhadap penipuan dalam talian yang menyasarkan pengguna internet;
5. Lakukan *backup* berkala terhadap data dan maklumat kritikal bagi menghadkan kesan kehilangan data atau sistem serta membantu mempercepatkan proses pemulihan. Sebaiknya, *backup* harus dilakukan setiap hari dan data pula disimpan pada peranti yang berasingan.

“Pentadbir sistem dan pengguna internet disaran untuk merujuk kepada *Alert & Advisory* yang dikeluarkan oleh CyberSecurity Malaysia untuk melihat kaedah atau tatacara yang perlu dilakukan sebagai langkah pencegahan insiden keselamatan siber dan meminimumkan kesan atau risiko pada tahap tertentu”

Pautan umum ke *Alert & Advisory* yang dikeluarkan oleh CyberSecurity Malaysia adalah seperti berikut:

<https://www.mycert.org.my/en/services/advisories/mycert/2019/main/index.html>

Pautan ke Peringatan & Nasihat (*Alert & Advisory*) sempena hari raya aidilfitri ialah:

<https://www.mycert.org.my/en/services/advisories/mycert/2019/main/detail/1347/index.html>

Pengguna internet boleh membuat laporan insiden keselamatan siber yang kritikal melalui Pusat Bantuan Cyber999 menerusi saluran berikut:-

- E-mel: cyber999@cybersecurity.my or mycert@mycert.org.my
- Phone: 1-300-88-2999(monitored during business hours)
- Fax: (perlu attach no fax baru MyCERT)
- Mobile: +60 19 2665850 (24x7 call incident reporting)
- SMS:CYBER999 REPORT EMAIL COMPLAINT to 15888
- Cyber999 Mobile Apps: IOS Users or Android Users
- Borang Online di Web: <http://www.mycert.org.my>

Waktu operasi: Isnin – Jumaat 08:30 pagi - 17:30 petang MYT

~ Tamat ~

Untuk maklumat lanjut mengenai siaran media ini, sila emel: media@cybersecurity.my atau hubungi +603-8008 7237, Mohd Shamil Mohd Yusoff / Zul Akmal Abdul Manan +603-8008 7242